

فی ۱۲ صفر الحیر سنہ ۱۳۱۳

نومرو ۱۵ برنجی سنہ

و فی ۲۳ تموز سنہ ۱۰۸۱

مدیری : احمد رضا

محل ادارہ سی :

48, Rue Monge, Paris.

مکتبہ
میں
مکتبہ

وشاورہم فی الامر

آیدہ ایکی دفعہ نشر اولنور

بر سنہ لک آہونہ بدلی قرق بش غروشدر

بر نسخہ سی ۲ غروشدر

عثمانی اتحاد و ترقی جمعیتک واسطہ نشر یاتیدر

تدوین و تدوین ادبک ہندی سلدن

واه بچاره وار !! ...

باشمزدہ کی عقل شمدیلک بزہ کافی اولدیغندن انک محافظہ سنی جناب
حقدن نیاز ایدہرز .

بونکہ برابر بمقدار عقلکدہ اصل محتاج اولدقلری ثابت اولان بیلدیز
نغینلرہ احسان بیورلمہ سنی تخی ایلرز . چونکہ عقل نقصاندن متولد اطراد-
سزقلری سلامت ملک وملتہ طوقیور .

مثلا درساعات غزتلرلہ جتیمزی رسماً علہ اعلان ایدن حکومت اوج
کون سوکرہ بزم ایچون فرانسه حکومتدہ مراجعت ایتمش ایدی . اشبو
مراجعتی مناسب برہمارخانہ قیامہمز ایچون اولیوب « فرانسه نیک داخلی
آسایشی بیلہ اخلاہ مستعد » مہلک راختلحی اولدیغمزدن بختلہ فرانسدن
طردمزن القانمہ مستند ایدی .

ظن وامید ایلرکک اورتہدہ کی نقصانک هانکی طرفدہ اولدیغہ حکم ایچون
ارتق ترددہ محل قالیور .

میزان محرری

مراد

اجال احوال

کرید خریستانلری بوز بولدیلر ؛ پادشاهک عجزندن ، قورققلغندن استفادہ
ایتمک ایستیورلر . « کریدیلر حقندہ حد وبایانی اولیان مراحم واشفاق
ملوکانلری آثار جلیلہ سندن اولوق اوزرہ ایقاع شورش ایدنلرہ (اوج دفعہ)
عفو عمومی ارزان بیورلدی . « دیکلہن اولمادی . خارجہ ، داخلہ سلطان
عبدالحمیدک سوزنہ ارتق کیمسہ ایانمیور . اسلامہ خریستان اراندہ محاصہ
ومقاتلہ دوام ایدیور . اجنبی غزتلری قباحی عسکرہ ، اسلام اہالیہ بولیورلر .
خصوصی اذیتیمز مکتوبلر بالعمک خریستانلرک وحشتندن ، انصافسزقلندن
شکایت ایلورلر . والی پاشا مجلس عمومینک کشادی کونی ختکارک مساعدت
وغنیات ریحانہ سندن بختلہ « بونجہ نعم والطاف مالانہائہ شہشاهیہ قارشو
تحدیث نعمت ایدیکر » دور . هانکی لطف ونعمتہ شکر ایدہ جککری بیلہمین
ویکدیگریہ دیش بیلہن کریدیلرک برقسی اسکی امتیازلرہ ، حتی جلبا مقاولہ-
نامہ سندہ راضی اولیور . دیگر قسمی اون سکر سہ اول ویرلش برحقہ وسار
مطالبہ شمدی اعتراض ایدیور . ایکی فرقہ نیک ففاق واختلافی اجنبیلرہ یاراور .
یونانیلر کریبدہ اسلامک ثروتہ ، املاکنہ کوز دیکیورلر . دینداشرلہ
معاونتندن کری دورمیورلر . عسکرمز ، دویتامز بوکا مانع اولہمیور . کیزی
تشوہق ، یاردمک اوکنی آلتق ایچون دول معظمہ اطہی ایلوقہ ایتمک فکرندہ
بولیور .

روم ایلدی صاحبسز قالان ملکہمزہ یونان ضابطانی معیتدہ برچوق کولکلی
فرقلری کبریور . یونانک بوتجاووزی بلغارلری ، صربیلری تحریک ایدیور .
مناسر و سلاونیک اہالیسنی ہجانبہ دوشوربور . اناتولی دہ ، حوران دہ

قاریشقلق وھر طرفدہ آچلق ، بارہ سزلق بک فنا برحالہدہر . عربستاندہ ،
بخصوص مککہ شیعزلرک ، شریفارکدہ عسیانہ حاضراندقلری ایشیدیلیور .
وطنی شو عظیم تہلکدن قورتارمق ایچون پادشاه عیجائہ یاسور ؟

الک بسوک دیپلوماتلر ، الک جسدی غزتلر بزم و قسیلہ یالوارہرق عرض
ایتدیکمز شیلری ، یعنی لزومی آشکار اولان اصلاحاتہ ہان باشلانمہ سنی وبونک
ایچون ایش باشندہ رتق واصلاحات محبی ، یکی فکرلی واققدارلی مأمورلر
بولندیرلمسی کندیسنہ تکرار ایدیورلر . سلطان عبدالحمیدک یکانہ دوست
وحامیسی اولان روسیا جاری ، روسیا غزتلری بیلہ خریستانلرک ظلم
کوردیکنی وبوحالہ نہایت ویرلمسی سوبلیورلر . اویسہ قاتیور ، اوصالیمیور .
فکرندن ، ملک ودولتی تحریبدن وازکچیور . « بن برمدت دہا یاشاہمہ
سکرہ نہ اولورسہ اولسون » دور .

بودارہدن ، بوداشاہدن برخیرکلیہ جیکی قویاً اکلاشلدی . قوری وعدلرہ
آلدانہ حق ؛ یازی ، قیشی بکلیہ جک برزماندہ دکلز . دولت باتیور ؛ مملکت
الدن کیدیور . کریبدہ خریستانلر مسلمانلر ؛ ماکدونیادہ روملر ، بلغارلر ،
ترکلر ؛ اناتولی دہ درزیلر ، ارمنیلر ، کردلر بربرلرلہ بوغوشوب تحریب
بلادہ ، بقای استبدادہ خدمت ایدہ جککریہ ہپ برلشمہ لی بونفاق و قتالہ ، بو
اضمحلالہ سبب اولان ادارہ حاضرہینی اورتہدن قالدیرمہ جالشمالیدرلر .
بوندن بشقہ چارہ نجات یوقدر . احمد رضا

خاندان آل عثمانی قورتارمہ

دوشونلہ ذہنہ ولہ کلیر آتای سلاسل جالی بغرلرندن مستقل تاتارستان
وادیلرینہ اینن — باراقلرندہ استیلا ، قبلرندہ ارزوی حکومت یازیلی — بر
قہرمان سوریبی ہنوز قبول ایتدیکلری بر دین مبینی قاعدہ شریعت دائرہ سندنہ
قوللانہرق یزانتین حکمدارلنی اوزرنہ تأسیس بنای حکومت ایتشاردی .
اشتہ بوجہلہ دولت عثمانیہ کرہ ارضدہ برزمانلر الک معظم الک مقتدر
وعادل بردولت ایدی . واسفاک ! بودور چوق سورمیدی . روابط
اسلامیہ کوشہمکہ باشلادی . بونکہدہ عظمت سابقہ بردور نکتہ منقلب اولدی
عدالتک برینی ظلم ونسیان ، اتفاق برینی تشتت ونفاق طوندی . بوسو
اخلاق بروقتلر مرکز نصفت وحیت اولان سرایدن باشلادی کیدہ کیدہ ملتہ
سرایت ایتدی افساد اخلاقہ بادی اولدی .

اوج درت عصرلق سیٹانک آتندہ ازیلہ ازیلہ بوکون سرای اویلہ عملماندہ
برحالہ گلش والوقدر چورومشدکرک پادشاہدہ اسلاف کرامینک اوصاف جلیلہ-
سندن هیچ برار کورلیور . بزی برعشیرندن قوجہ برملت ، دنیانک الک
شوکتلی حکومتی حالتہ قویانلر ، خلافت کی برقوقی الہ آلہرق دینیزی براساس
متینہ وضع ایدنلر بوخاندان عالیشانک اسلافیدر . بوخاندان کوردیکمز
ایولک ونعمت اوزریشہ اترک اخلاف اخیرہ سنی بودرککہ مذلت ، بوحال

سفلیده براقی زم ایچون کنه کابر دندر ، عادتاً کفران نعمتدر ، جنایتدر .
وقیله پادشاهلر طبعنارندهکی علویت ، خلقتارندهکی اسارتدن خلقی ،
تبعهسی دائرة مشورتلرینه چاغیروب آلدقلمری نصیحتلرله تسویه امور
ایدرلردی . شمعی حکمداردن مشورت طلب ایدن منفور اولیور . ای
قوجه ملت ! شوخاندانی عارضه دوچار اولدینی سیانندن تظہیر ولایق
اولدینی اسکی مقام عالیسنه یکیدن اصماد ایتیمه جکمیسر ؟ ایوجه دوشونکر
کرداب فلاکتیه سرای سزیده برابر سوروکلیور .
ع . م

سوریه دن مکتوب

احوال کوندن کونه مهشتلیور . اداره حاضره غفلت ، سیات ایچنده
دوام ایدیور .
طوبتین طریق استبدادک سوکنه یتشدی . اوکدهکی خائنلر مهلاک قطع
واحماسی ممکن اولهمیور . اولهمه جتی . تهاک کوستریور بیهوددر .
اصلاحات ییاجنی رسماً اعلان ایدیور . حکومت صفت وانمه یالان
سویلیور . ظلم واغتشافی آرتریور . وٹنک حالته ، ملتک سفالته ، اغلایان
خبرخواهان امتی ترصددن وازکیمیور . واسطه عدالت بیلین یداقدار حکومتی
خون مظلومین ایله بولامقدن اوتانیمور . بونه قدر خونخوارلق !
ملکک هر جتی عصیان واغتشاش ایچنده یانوب طوتشیور . ظلم واستبداده
تحمل ایدمین فرقلر سلاحه صاریلیور . حکومت بوکا عصیان سوسی ویریور
عسکر سوق ایدیور . عاصیلری تأدیپ ایدیورم دیه وٹنداشلر مژک قانلرینی
دوکیور . اولاد عیالی اولدیوریور . اموالی غضب ایدیور . بونه دهشتلی
حرکت سباعانه !

حوران درزیلری یکیدن ایقاندیلر . عسکر سوقة باشلاندی . ازمیر ،
قرهحصار ردیف الایلرندن اون ایکی طابور جلب ایدلدی . بونلر بیرونه
ییقارلر . شامه سوق ایدلک ایچون شمندوفر قومانیهسی تقلیات اجرتی طلب
ایدر . حکومت باره بوله مز . اجرتی پشین المدفحه عسکری سوق ایدمید
جکئی قومانیه قطعاً بیلدیور . صدارته مالییه مراجعت ایدرلر . برهفته
جواب الهمزلر . بیروت ، شام شمندوفر قومانیهسی سلطان حمیدک متوفا
یوسف مطرانه خدمات معلومهسنه مقابل احسان ایلدیکی برهده سیدرکه شمدی
ملتک اون ایکی طابورلق عسکرینی باره مز قبول ایتیمور .

ملکک داخلدنه اوفقی برفرقه عسکرینه نک سکر اون ساعتک مسافیه
سوقة باره بوله میورده « یاوران ، کیلرجیان ، کبی بیلدیز شقیلرینک ماهیه
اون بیک لیرایه بالغ وسوریه امواله حواله ایدلین معاشری اول بول تدارک
وارسال ایدلکجه هیچ بره راجه ویرلامسی ماین باش کتابیله صدارت
مقامی مالییه نظارتندن سوریه والیرلرینه تلغرافلرله شدتلی امرلر ویریلیور .
عسکر آج ، سفیل ، جیلاق کونلرجه شمندوفر بکلور . صدارت الدینی

تلغرافه برهفته جواب ویریور . بتون خلق عسکرک حال پریشانیه ملتک
دوشدیکی درکه سفالته حکومتک فقر وعجزیه باقیور . اچیور ، اغلایور ،
لغتار ایدیور . اداره حاضره حالا خط حرکتی دکشیدیور .
باره تدارکی غرقابل ، صدارتدن جواب الملق مستحیل اولدینی کورلش
زراعت باقمسک عثمائی باقمسنده بشیوز لیراسی بولتدینی خبر انش صوک
تذیر اوله رق بویاره نک انکسنه تثبت ایدلش باقمه مدیریله زراعت باقمسی
مأموری برصورت ماهرانده بربرینه طاقشیدیله رق ابوشیوز لیرا التقدن
صکره عسکر بیک درلو مشاق وقضیقات ایله شامه کلدی .

سوریه ردیفلرندن سکر طابور بونلره علاوه ایدلدی . یکرمی طابورلق
برفرقه برمشیر ، ایکی فریق ، درت لوا ، اتی میرالای قومانداسنده اوله رق
بشکون اول حوران مرکز ی بولتان سویده قصبهسنه حرکت ایتدیلر . اوراده
متحشد درزیلر براز مقابلهدن صکره . چکلدیلر . سویده قارشوسنده برتیبی
عسکر طوتدی بونک اوزرینه یکرمی بر باره طوب ایلهرق اعلان شادمانی
واطرافه مظفریت تلغرافلری یاغیدیله رق نام نامی حمیده دعالر اوقوندی .
کویا محارب واجبی بردشمندن مستحکم برموقع انشجمهسنه الله ایدلین
تبهجکی اعظام ایتدیلر . عسکر آج هرشیدن صرفنظر بیهجک قوری پکسمات
ویریله میور . درزی فرقلری صو منعلرینی طوتمشلر . عسکر صوسزلقدن
دهشتلی اضطرابلر چکیور . حوران اهالیسنک — درزیلرندن غیری اسلام
وخرستیان — حرمانلری مشرک امریله یغما ایدلدی . محصوللری غضب
اولندی . بوضورته عسکره آره اککی تدارک اولته بیلدی . فرقه نک بوندن
صکرهکی سرکذشتی عسکرله برلکده حرکت ایدن سیار مخبرمژک ویره جکی
معلوماه کوره تکرار یازارز .

درزیلرک بودفحهکی قیاملری اسبابی بوندن اولکی مکتوبده تفصیلاتیه
بیلدیردی . بادی قیام والی عثمان پاشا ایله ژاندارما قوماندانی خسرو پاشا
وعونه سیدر .

سلطان حمید بوکره عثمان پاشایی فصله فدا ایده بیلدی . شام والیککندن
عزل ایتدی . فقط شوراسی شایان دقددرکه صوک قیامدن برآی اول عثمان
پاشایه ماین باش کاتبی واسطه سیله یازدیغی شولتغراف :

« بن سندن ممنونم اللهه سندن راضی اولسون »

تلطیفنامهسی تسوید اولنورکن عثمان پاشا دست غضب جباتتی درزیلر
اوزرینه احاله وتسلیط ایدهرک اولنرک قانلرینی اتمکده درزیلرده قیامک اسبابی
تیه ایلتمکده ایدیلر .

بیک درلو شتاعت ورزالتی دیلرده کرن عثمان پاشا عززندصکره خسته لغنی
بهانه ایدهرک اورویاه کیتیمک ایتدی . بوطلب سلطان حمیدک سکرلرینی
لرزه ناک ایتش اولقی کرکدر . مدحت پاشانک قتله مدخلی اولان برآدمک
اورویاده جولانده بولنهی سلطان حمیدک هیچده ایشته کله مدیکندن طلبی بر